

Mii lea Vuosttaš veahkki morašdilis?

Li oktat olmmoš galgga dárbbahit leahkit okto su morrašis. Danin Ruoŧa girku lea čohkken jurdagiid ja mávssolaš neavvagiid mat álkidahttet midjiide lagamužžan leahkit lahka soapmása gii morašta. Ruoŧa girku guhkesáigásaš vásáhus oaidnalit ja doarjut olbmuid morašdilis lea dárkkuhuvvon vuosttaš veahkin, álgo áiggi, go jápmin deaivida. Buot moraš lea áidnalunddot eaige leat mangelágán heivehahtti albma duohtavuođat dahje rávvagat addit. Soaitá danin máŋggas dovdet iežaset eahpe-sihkkarin deaivvadettiin earáid morrašiin. Dáiggo neavvagiiguin Ruoŧa girku doaivu bastit veahkehit nu ahte eanet olbmot dovdet iežaset dorvvoleabbon ja buorebut válbmanan, vai ii giige guđđo okto su morrašis.

“Ale bala, mun lean duinna. Ale vilppo balus, mun lean du lpmil. Mun nanusmahtán ja veahkehan du, mun doarjjun ja gájun du olgeš gieđainan.”
(Jes 41:10)

Ráđiid maid gávnnat dán bládis leat beare oasážit ollut áššiin maid mii lagamužžan sáhttit dahkat dasa gii morašta. Ale hejoš dan unnána, veaháš bijus nai sáhttá oažžut stuora mearkkašumi. Jos háliidat oažžut eanet doarjaga dahje soapmása geainna humat leat bures boahdin iežat searve-goddái.


Don gávnnat oktavuodadieđuid ja eanet konkrehtalaš ráđiid svenskakyrkan.se/forstahjalpenvidsorg

ILLUSTRATION: STINA LÖFGREN, SKIBBB, NORDSAMISKA



Vuosttaš veahkki morašdilis

Konkrehtalaš neavvagat mat geahpidit leahkit lahka morašteaddji



Váldde oktavuoda

Soaitá leat buot deháleamos eat bija ovddasvástádu-
sa oktavuodáváldimis morašteaddjái. Mii sáhttit vealtit
dadjamis “Riŋge munnje jus lea juoga, lean dáppe” danin
go lea stuora várra moraš-teaddji ii nagot leahkit dat gii
váldá oktavuoda. Dalle lea buorebut mii dadjat “Riŋgen
dutnje disdaga fas, vástít jus nagodat”. Muhtumin eat
oaččo mangelágan vástádusa ja lea buorre nu, moraš-
teaddji ii álo nagot vástidit, muhto dalle mii sáhttit riŋget,
ođđasiid ja ođđasiid.



Álggat

Lea buorre jus mii geat doarjut sáhttit leat dat geat
evttohit áibbas árgabeaiválaš doaimma. Guossut gáfe,
gehččet filmma dahje vácčašepet buot eaŋkilvuodas.
Máŋgasat geat moraštit gáibidit bottu morrašis ja unná-
naš dábálaš eallima. Jurdil dat gean mii dovdet soaitá
gieldit ja dat lea áibbas ortnegis, dehálaš lea jearrat – ja
duostat fas jearrat.



Botke jaskatvuoda

Máŋggat dovdet váttisin váldit oktavuoda lagamuččain
gii morašta. Maid galgga dadjat? Jurddaš jus šaddá beare
jaskat dahje olmmoš álgá čierut? Muhto ii leat dehálaš
maid dadjat beare mii botket jaskatvuoda. Ja muhtumin
sms lea buorebut čoavddus go riŋgen danin go soaitá leat
álkit sihke sáddet ja vástidit.



Čájet lahkavuoda

Máŋgasat mis ballat bahkkemis ja dat dávjá nohká dasa
min eat váldde oktavuoda ollenge. Mii soaitit jurddahit
morašteaddji dárbbaha leahkit ráfis dahje ferte vuor-
dit veháš oktavuoda váldimiin “dasságo vearrámus lea
meaddel”. Lea dehálaš mii čielgasit čájehit mii lea lahka
vai morašteaddji ii dovdda isolašuvnna, olggobealde dahje
hilgojuvvon.



Atte saji

Dávjá leat máŋggas geat moraštit ovttá olbmo seamma
áigge, gos buohkain lea leamaš iežas gaskavuohtha ja historjá
dainna gii lea jápmán. Lea dehálaš mii diktit dan lagamus
morašteaddji leahkit guovddázis ja vealtit čálmustea-
mes min ieža-met muittuid ja dovduid. Mii fertet muitit
sáillet morašteaddji dovduid, beroškeahhtá makkárat dat
leat, leahkit guovddázis. Min jurdagat ja mitalusat nai leat
dieđusge dehálaččat – muhto eai dehálepmosat.



Leage gierdavaš

Juohke morašteaddjis lea iežas morašproseassa, masa mis
berre leahkit ipmárdus ja gierdevašvuohtha. Lea bahá várra
mii geahččalit jeddet eret morraša dahje duššástuvvat
jus dat bistá. Morrašis ii leat maŋemus beavimeari iige
dábálaš dahje eahpedábálaš guhkes áigi mii gollá moraš-
teapmái. Muhtin áššiid dárbbaha mitalit gearduvugiin,
divtte du lagamuša geardut dan dáhpáhusa birra, dat soai-
tá leat dehálaš oassi morraša ipmirdeamis ja dikšumis.